



THAETLELE: MENYUALE MABAPI LE KAROLO YA 14 YA MOLAO WA TŠWETŠOPELE YA PHIHLELELO YA TSHEDIMOŠO, WA NOMORO YA 2 WA 2000		NOMORO YA REF: 04	
MONG WA SENGWALWA: MOHLANKEDIPHETHIŠI WA DITIRELO TŠA KABELANO		LETŠATSİKGWEDI LA GO THOMİŠA	
MONGWADI: LEFAPHA LA DIPEGO TŠA KHAMPHANI			
(1) E lekotšwe ke PDU	(3) MONG	(4) E DUMELETŠWE KE:	
_____	_____	_____	
Molaodi wa Tihabollo ya Melawana	Mohlankediphethiši wa Tshedimošo ya Theknolotši	Mohlankedimogolophethiši	

LENANEO LA DIKAGARE

1.	LENANEO LA DIAKHERONIMI LE DIKHUTSOFATŠO.....	2
2.	MATSENO	2
3.	GO HWETŠAGALA GA SENGWALWA SE.....	3
4.	MEŠOMO LE SEBOPEGO SA RAND WATER	3
5.	DINTLHA TŠA BOIKGOKAGANYO TŠA BAHLANKEDI BA TSHEDIMOŠO	4
6.	TLHAHLI YA MOLAODI WA TSHEDIMOŠO	6
7.	KA FAO O KA FİHLELELAGO DIPEGO TŠE DI SWERWEGO KE RAND WATER	8
8.	TSHEDIMOŠO YA SEPHIRI	10
9.	GO DUMELA KGOPELO	16
10.	DIPEGO TŠE DI HWETŠAGALAGO SEMEETSENG	17
11.	DIPEGO TŠE DI SWANETŠEGO GO KGOPELWA SEMMUŠO.....	18
12.	MABAKA A KIMOLLO MABAKENG A GO GANA	19
13.	DITIRELO TŠE DI HWETŠAGALAGO	19
14.	GO KGATHA TEMA GA SETŠHABA	20
15.	DIPEGO TŠE DI LAHLEGILEGO	20
16.	GO LAHLWA GA DIPEGO	21
17.	TEKODIŠIŠO	21
18.	DINGWALWA TŠE DI ŠOMIŠITŠWEGO	21
19.	GO BEA DIPEGO LE TSHEDIMOŠO.....	21
20.	HISTORI YA PHETOGO YA SENGWALWA	22

1. LENANEO LA DIAKHERONIMI LE DIKHUTSOFATŠO

LEREO/AKHERONIMI	TLHALOŠO
Molao	Molao wa Tšwetšopele ya Pihlelelo ya Tshedimošo wa nomoro ya 2 wa 2000
“CE”	Mohlankedimogolophethiši
“DIO”	Motlatšamohlankedi wa Tshedimošo
“DTI”	Theknolotši le Tshedimošo tša Titšithale
“IO”	Mohlankedi wa Tshedimošo
“PAIA”	Molao wa Tšwetšopele ya Pihlelelo ya Tshedimošo wa Nomoro ya 2 wa 2000 (ka ge o ka fetošwa nako le nako)
“POPIA”	Molao wa Tšhireletšo ya Tshedimošo ya Sephiri wa nomoro ya 4 wa 2013;
“Molaodi”	Molaodi wa Tshedimošo
“Rand Water”	<ul style="list-style-type: none"> i. Sehlongwataolo seo se hlomilwego go latela Karolo ya 28 ge e balwa le Karolo ya 84 ya Molao wa Ditirelo tša Meetse; le ii. Sehlongwa se sengwe le se sengwe sa ka fasana sa sehlongwataolo seo se hlaotšwego ka go (i) ka mo godimo: <ul style="list-style-type: none"> a) Rand Water Services (Pty) Ltd; b) Rand Water Foundation (Pty) Ltd;
“Molao wa Ditirelo tša Meetse”	Molao wa Nomoro ya 108 wa 1998.

2. MATSENO

- 2.1. Sengwalwa se sa PAIA Manual (“Sengwalwa”) se phatlalatšwa go latela Karolo ya 14 ya Molao wa Tšwetšopele ya Pihlelelo ya Tshedimošo wa 2 wa 2000.
- 2.2. PAIA e phethagatša ditlhagišo tša Karolo ya 32 ya Molaotheo yeo e hlagišago tokelo ya go fihlelela tshedimošo ye e swerwego ke Mmušo le tshedimošo ye e swerwego ke motho yo mongwe yeo e hlokagalago go šireletša tokelo efe goba efe.

- 2.3. Maikemišetšo a PAIA ke go phethagatša setlwaedi sa go hloka sephiri le boikarabelo ka go bobedi makala a setšhaba le a phraebete ka go fa motho ofe goba ofe tokelo ya go fihlelela tshedimošo go ba kgontšha go phethagatša le go šireletša ditokelo ka moka ka botlalo ka fao go nyakegago.
- 2.4. Maikemišetšo a Sengwalwa se ke go bea ditshepedišo tšeo di swanetšego go latelwa le dinyakwa tše di swanetšego go fihlelelwa e mang goba mang (“mokgopedi”) go kgopela phihlelelo go dipego tšeo di swerwego goba ka fase ga taolo ya Rand Water.

3. GO HWETŠAGALA GA SENGWALWA SE


- 3.1. Sengwalwa se se ka kgona go fihlelelwa wepsaeteng ya rena mo go www.randwater.co.za goba ka go kgopela khopi ka emeile go Mohlankedi wa Tshedimošo goba go Motlatšamohlankedi wa Tshedimošo. Sengwalwa se ka hwetšwa gape go Molaodi wa Tshedimošo.

4. MEŠOMO LE SEBOPEGO SA RAND WATER

4.1. MEŠOMO

- 4.1.1 Maikemišetšomagolo a Rand Water ke go aba meetse a mantši ka diphaephe le ditirelo tša kelelatšhila ka mafelong ao a dumeletšwego ke yona go latela Molao wa Ditirelo tša Meetse.
- 4.1.2 Godimo ga ditirelo tša yona tša motheo, Rand Water e dumeletšwe go fana ka ditirelo tše dingwe tša tlaleletšo ka go realo ke mokgathatema yo bohlokwa ka go kelelatšhila, ditsenogare tša setšhabeng le ditirelo tše dingwe tšeo di ikemišeditšego go thekga le go maatlafatša bokgoni bja bolaodi bja ditirelo tša meetse le dihlongwa go abeng ga ditirelo tša meetse tša go šoma bokaone, tša go hloka mathata le tša go seketša tšhelete go badiriši.

4.2. SETHALWA SA SEBOPEGO



5. DINTLHA TŠA BOIKGOKAGANYO TŠA BAHLANKEDI BA TSHEDIMOŠO

5.1 Go ya ka Molao, Mohlankediphethiši, goba mohlankedi wa maemo a gagwe, wa sehlongwa sa setšhaba o bewa bjalo ka Mohlankedi wa Tshedimošo. Dintlha tša Mohlankedi wa Tshedimošo wa Rand Water ke tše di latelago:

The Chief Executive

Aterese ya Madulo: 522 Impala Road
Glenvista
JOHANNESBURG
2058

Aterese ya Poso: PO Box 1127
JOHANNESBURG
2000

Nomoro ya Mogala: +2711 682 0911

Nomoro ya Mogala +2711 682 0444/0555

wa fekese:

Emeile: PAIA@randwater.co.za

5.2 Mohlankediphethiši o, go latela Karolo ya 17 (3) ya PAIA le Karolo ya 56 ya POPIA, o file maatla le mešomo ye a filwego yona le go gafela yena ke Melao ka bobedi go bahlankedi bao ba latelago bao ba tlogo phethagatša mešomo ya Motlatšamohlankedi/Batlatšabahlankedi ba Tshedimošo:

Mohlankedi wa Ditirelo tša Kabelano	Tshedimošo ka moka ka gare ga Khamphani ya Rand Water
Hlogo: Sehlongwa sa Rand Water	Dinyakišišo ka moka (tša ka Gare le tša ka Ntle)
Mohlankediphethiši wa Ditšhelete	Tshedimošo ka moka ya go amana le dihlongwa tša ka fasana tša Rand Water, ka ge go hlalošitšwe.
Molaodi wa tša Taolo	Rand Water Services (Pty) Ltd
Molaodikakaretšo: RWF	Rand Water Foundation

5.3. Tshedimošo ya dikhwama tše pedi tša dikholego tša bašomi (ke gore, Sekhwama sa Thušo ya Kalafo, Sekhwama sa Phrobitente) di tloga di sa akaretšwe ka go mollwane wa sengwalwa se

5.4 Mohlankedeiphethiši ke setheo sa ka gare seo go ka tlišwago dingongorego go sona go diphetho ka moka tšeo go ngangišanwago ka tšona ka mererong ya PAIA. Boipelaetšo bja ka gare bo swanetše go lebišwa go Mohlankedi wa Tshedimošo mo go PAIA.Appeal@randwater.co.za.

5.5. Boipelaetšo bja ka gare goba ngongorego go ya go Molaodi e ka tliša kgahlanong le sephetho sefe goba sefe sa Mohlankedi wa Tshedimošo, gomme tshepedišo (go akaretšwa lebaka) ya go tliša boipelaetšo bja ka gare e akareditšwe ka gare ga Kgaolo ya 1 ya Karolo ya 4 ya PAIA.

5.6. Go ka dirwa kgopelo kgorong ya tsheko kgahlanong le sephetho sa mabapi le boipelaetšo bja ka gare.

5.7. Ge boipelaetšo bja ka gare, ngongorego go ya go Molaodi wa Tshedimošo goba kgopelo kgorong ya tshoko e dirwa kgahlanong le go fa kgopelo yeo phihlelelo go pegu, phihlelelo go pegu e ka fiwa fela ge sephetho sa go fa kgopelo yeo se tlišetšwa mafelelong.

5.8. Dingongorego go Molaodi wa Tshedimošo di swanetše go romelwa go:

Molaodi wa Tshedimošo (Afrika Borwa)

JD House, 27 Stiemens Street, Braamfontein,

Johannesburg, 2001

P.O. Box 31533, Braamfontein, Johannesburg, 2017

Emeile ya dingongorego: POPIAComplaints@inforegulator.org.za.

Emeile ya dipotšišo ka kakaretšo: enquiries@inforegulator.org.za

6. TLHAHLI YA MOLAODI WA TSHEDIMOŠO

6.1. Go ya ka Karolo ya 10(1) ya PAIA, ka ge e fetotšwe ke Karolo ya 110 ya POPIA, Tshedimošo

Molaodi o swanetše go mpshafatša tlhahli ya bjale le go dira gore e hwetšagale yeo e ngwadilwego ke Khomišene ya Ditokelo tša Botho ya Afrika Borwa (SAHRC) yeo e nago le tshedimošo yeo ka sebopego le tsela tšeo di kwešišegago gabonolo, ka ge go ka nyakwa ke motho yo a nyakago go phethagatša tokelo efe goba efe yeo e ukangwego ka go PAIA le POPIA.

6.2. Go ya ka Karolo ya 10(2) ya PAIA (ka ge e fetotšwe) tlhahli e swanetše go akaretša tlhalošo ya:

(a) Maikemišetšo a PAIA le POPIA;

(b) Mokgwa le sebopego sa kgopelo ya:

(i) Phihlelelo go pegu ya sehlongwa sa setšhaba seo se ukangwego ka go Karolo ya 11; le

(ii) Phihlelelo go pegu ya sehlongwa sa phraebete ka ge go ukangwe ka go Karolo ya 50;

(c) Thušo e hwetšagala go mohlankedi wa tshedimošo wa sehlongwa sa setšhaba go ya ka PAIA le POPIA;

- (d) Thušo ye e hwetšagalago go Molaodi wa Tshedimošo go ya ka PAIA le POPIA;
- (e) Dikimollo ka moka ka molaong tše di hwetšagalago mabapi le molao wo goba go palelwa go tšea kgato mabapi le tokelo goba mošomo wo o filwego goba o gapeletšwago ke PAIA le POPIA, go akaretšwa mokgwa wa go tliša ngongorego:
- (i) Boipelaetšo bja ka gare;
 - (ii) Mongongoregi go Molaodi wa Tshedimošo; le
 - (iii) Mokgopedi go kgorotsheko kgahlanong le sephetho sa Mohlankedi wa Tshedimošo wa sehlongwa sa setšhaba, sephetho ka ga boipelaetšo bja ka gare, sephetho sa Molaodi wa Tshedimošo goba sephetho sa hlogo ya sehlongwa sa phraebete;
- (f) Ditlhagišo tša Karolo ya 14 tšeo di nyakago gore sehlongwa sa setšhaba se ngwale sengwalwa sa tshedimošo, le ka fao go ka hwetšwago phihlelelo go Sengwalwa seo;
- (g) Ditlhagišo tša Karolo ya 15 tšeo di hlagišago gore go be le go tsebagatša ka boithaopo ga magoro a dipego ke sehlongwa sa setšhaba;
- (h) Ditsebišo tšeo di filwego go latela Dikarolo tša 22 le 54 mabapi le ditefišo tšeo di tlogo lefša mabapi le dikgopelo tša phihlelelo ya tshedimošo; le
- (i) Melawana ye e dirilwego go latela Karolo ya 92

6.3. Go ya ka karolo ya 10(3) ya PAIA (ka ge e fetošitšwe) Molaodi wa Tshedimošo o swanetše, ge go hlokagala, a mpshafatše le go phatlalatša tlhahli ka sebaka sa dinako tša go se fete mengwaga ye mebedi.

6.4. Karolo ya 10(4) e hlagiša gore tlhahli yeo e swanetše go dira gore e hwetšagale ka ge go laetšwe.

6.5. Ge o ka ba le dipotšišo mabapi le se, o kgopelwa go ikgokaganya le Molaodi wa Tshedimošo thwii go:

Wepsaete: www.inforegulator.org.za.

Aterese ya Poso: PO Box 31533
Braamfontein
JOHANNESBURG
2017

Aterese ya Madulo: JD House 27 Stiemens Street,
Braamfontein, JOHANNESBURG,
2001

7. KA FAO O KA Fihlelelago dipego tše di swerwego ke Rand Water

Dikgato tše di latelago di swanetše go hlokomelwa pele ga ge o ka romela kgopelo:

7.1. Kgato ya 1: Naa o na le maswanedi a go šomiša Molao go kgopela phihlelelo?

- 7.1.1 O kgopelwa go hlokomela Karolo ya 7 (1) ya Molao ye e bolelago gore:
“Molao wo ga o šome go pego ya sehlongwa sa setšhaba goba ya sehlongwa sa phraebete ge-
(a) pego yeo e kgopelwa lebakeng la ditshepedišo tša tshekišo ya bosenyi goba tša leago;
(b) E kgopelwa ka morago ga go thomišwa ga ditshepedišo tše o tša tshekišo ya bosenyi goba ya leago go eya ka gore ke efe; le tšweletšo ya goba phihlelelo go pego yeo mabakeng ao go boletšwego ka ona go temana ya (a) a hlagišitšwe ka molang ofe goba ofe.
- 7.1.2 Ge Karolo ya 7(1) e šoma, o se ke wa tliša kgopelo go latela Molao wo. O swanetše go šomiša melawana le ditshepedišo tša khwetšo ya tshedimošo ya seboka sa maleba sa tša semolao le ditshepedišo tša tsheko tše o amegago ka go tšona.
- 7.1.3 O kgopelwa go hlokomela Karolo ya 45 ya Molao ye e fago Rand Water maatla a go kgopela phihlelelo go pego ge: (a) kgopelo yeo e tloga e sa kwagale goba e se maleba; goba (b) mošomo wo o amegago ge go šongwa kgopelo o tla phamoga methopo ya Rand Water kudu le ka fao go sa kwagalego.

7.2. Kgato ya 2: Naa tshedimošo ye e kgopetšwego e gona ka sebopego sa pego?

- 7.2.1 O kgopelwa go lemoga gore Molao o šoma fela go dipego tše di lego gona ka nakong yeo re hwetšago kgopelo ya gago.
- 7.2.2 Molao ga o gapeletše mang goba mang go hlama pego yeo e sa hlwego e le gona ka nako yeo kgopelo e dirwago ka yona. Go fa mohlala, Molao o ka se šomišwe go hwetša mabaka a sephetho seo se tšerwego ka Rand Water ge e le gore mabaka ao ga se a ngwalwa.

7.2.3 Ge e le gore o na le bonnete bja ge eba pego e gona, o kgopelwa go laetša se go rena ka tsela ya fomo ya kgopelo ye e beilwego.

7.3. Kgato ya 3: Naa pego e swerwe ke Rand Water goba e ka fase ga taolo ya yona?

7.3.1 Rand Water ke khamphani ye kgolo gomme go nyaka dipego tšeo di kgopetšwego go ka nyaka nako ye ntši, methopo le ditshenyagalelo.

7.3.2 Molao o hlagaša gore pego ye e kgopetšwego e swanetše go ba e swerwe goba e le ka fase ga taolo ya Rand Water. Le ge go le bjale, mabakeng a Molao wo, pego ye e swerwego goba ye e lego ka fase ga taolo ya (a) mohlankedi wa Rand Water (b) rakonteraka yo a ikemego yo a šomelago Rand Water e bonwa bjalo ka pego ya sehlongwa seo sa setšhaba goba ya sehlongwa sa phraebete, ka go latelana. Ge e le gore ga o na le bonnete bja gore pego e swerwe goba e ka fase ga taolo ya Rand Water, o kgopelwa go re tsebiša se go fomo ya kgopelo ye e beilwego.

7.3.3 Ka ge go boletšwe ka se mo nakong ye e fetilego, Karolo ya 45 (b) ya Molao e maatlafatša Rand Water go gana kgopelo ya phihlelelo ya pego ge e le gore mošomo wo o nyakegago go šoma kgopelo yeo o tla phamoša kudu le ka fao go sa kwagalego methopo ya Rand Water.

7.4. Kgato ya 4: Fomo ya Kgopelo

7.4.1 Phihlelelo go tshedimošo yeo e ngwadilwego ka mo godimo e tla kgopelwa ka:

7.4.2 Go tlatša fomo ye e beilwego ya ("Request for access to record of public body form"); le

7.4.3 Tefo ya tefišo ye e beilwego ka ge go laeditšwe ka go Dišetule tša 1 le 2 tša Sengwalwa se. Le ge go le bjale, mokgopedi yo a nyakago go fihlelela pego yeo e nago le tshedimošo ya sephiri ka ga mokgopedi ga a swanela go lefa tefišo ya kgopelo ya tshedimošo.

7.4.4 Mokgopedi o swanetše go aletša ge eba kgopelo ke ya khopi ya pego goba ge eba mokgopedi o nyaka go lekodišiša dipego ka dikantorong tša Rand Water.

7.4.5 Phihlelelo go tshedimošo ye go bolelwago ka yona ka mo godimo e tla fiwa fela mokgopedi ka tsela yeo e kgopetšwego ka yona, ka ntle le ge tsela yeo ya pego e tla tsenatsena ka fao go sa kwagalego tshepedišo le go sepetšwa ga Rand Water goba tshenygo ya dipego tša yona goba tshela melawana ya khopiraete ya yona.

- 7.4.6 Ge ka mabaka a itšego, phihlelelo ya pego e ka se kgone go fiwa ka tsela yeo e kgopetšwego ka yona eupša ka mokgwa wa boikgethelo, gona tefišo ya phihlelelo ya pego e tla hlakanywa go ya ka tsela yeo mokgopedi a kgopetšego ka gona.
- 7.4.7 Ge mokgopedi a sa kgone go bala goba go ngwala, goba a na le bogolofadi, gona a ka dira kgopelo ya pego yeo ka go boletšwa, gomme ge go le bjalo Mohlankedi wa Tshedimošo o tla tlatša fomo legatong la mokgopedi woo le go fa mokgopedi fomo yeo e tladišwego.
- 7.4.8 Mokgopedi o swanetše go laetša gabotse godimo ga fomo ya kgopelo:
- 7.4.8.1 Ge a nyaka go tsebišwa ka ga katlego ya kgopelo ya gagwe ka mogala goba ka tsela efe goba efe.
- 7.4.8.2 Lebaka leo kgopelo e dirwago ka lona sebakeng sa ge tshedimošo e kgopelwa legatong la motho yo mongwe.
- 7.4.9 Rand Water e tla fetola dikgopelo ka moka mo matšatšing a 30 a mošomo ka morago ga go amogela kgopelo godimo ga fomo ye e beilwego ka ntle le ge Karolo ya 26 ya PAIA e fetoišitšwe.

8. TSHEDIMOŠO YA SEPHIRI

8.1. Go kgoboketša le go Šoma ga Tshedimošo ya Sephiri ka Rand Water

8.1.1 Rand Water e bona bohlokwa kudu bja sephiri le tšhireletšo ya tshedimošo ya sephiri gomme e tla kgoboketša fela tyshedimošo ya sephiri go latela molao wa maleba wa Afrika Borwa wo o laolago tšhireletšo ya tshedimošo ya sephiri. Go fihla mo lebakeng le tshedimošo ya sephiri e tla kgoboketšwa le go šongwa go latela maemo a go šoma ka molao ga tshedimošo ya sephiri ka ge go hlagišitšwe ke Molao wa Tšhireletšo ya Tshedimošo ya Sephiri, wa 2013 (Molao wa Nomoro ya 4 wa 2013) ("POPIA"). Ka ntle le go phamoga go kakaretšo ya tšeo di boletšwego, kgoboketšo le go šoma tshedimošo ya sephiri ke Rand Water go tla akaretša, eupša go ka se beele thoko, go netefatša gore –

8.1.1.1. Maemo a go šoma ka semolao ga tshedimošo ya sephiri a fihlelelwa.

8.1.1.2. Go šoma ga tshedimošo ya sephiri go dirwa ka semolao, mabakeng ao a hlokalalago le a tirišo, ka tsela ye e šireletšago dikgahlego tša semolao tša mong wa tshedimošo/beng ba tshedimošo le gore ga go tshele ditokelo tša bona.

- 8.1.1.3. Tshedimošo ya sephiri e šongwa fela ka tumelo ya mong wa tshedimošo (goba ya motho wa maswanedi ge e le gore mong wa tshedimošo ke motho yo monnyane). Tumelo yeo e ka phumolwa ka nako efe goba efe, gomme ka sona sebaka seo, Rand Water e tla emiša go šoma tshedimošo yeo ya sephiri:
Ge fela e le gore tshedimošo ya sephiri e ka šongwa ka ntle le tumelelo ya mabaka ao a tsebjago ka semolao ka ge go laeditšwe ka go POPIA.
- 8.1.1.4. Go šoma go tšwela pele ga tshedimošo ya sephiri go tla sepelelana le maikemišetšo a mathomong ao e kgobokeditšwego ka lebaka la ona, ka ge go laolwa ke mabaka a go swana le sebopego sa tshedimošo, ditlamorago tše di kgonagalago tša go šoma go tšwela pele ka ga mong wa tshedimošo, ka tsela yeo e lego gore tshedimošo e kgobokeditšwego ka gona, le ditokelo tša konteraka le ditlamego tše di lego gona magareng ga Rand Water le mong wa tshedimošo.
- 8.1.1.5. Magato ao a kgonagalago a go kwagala a a tšewa go netefatša gore tshedimošo ya sephiri ye e filwego e nepagetše, e feleletše e bile ga e bolele maaka. Mabapi le se maikemišetšo ao ka ona tshedimošo ya sephiri e kgoboketšwago ka ona goba e šongwago go tšwela pele e tla laola gore ke eng seo se kgonagalago ka fase ga maemo ao; le
- 8.1.1.6. Beng ba tshedimošo ba dumelelwa go phethagatša ditokelo tša bona ka fase ga POPIA mabapi le tshedimošo ya bona ya sephiri.
- 8.1.1.7. Rand Water e šireletša seriti le sephiri sa tshedimošo ya sephiri ya beng ba tshedimošo ye e e swerego goba ye e lego ka fase ga taolo ya yona.
- 8.1.1.8. Motho ofe goba ofe yo a šomišago goba mang le mang yo a šomago tshedimošo ya sephiri ya mong wa tshedimošo legatong la Rand Water goba mošomiši, o šoma tshedimošo yeo fela a na le tsebo goba tumelelo ya Rand Water, le go swara tshedimošo ya sephiri bjalo ka lekunutu e bile ga a e tsebagatše ka ntle le ge go nyakwa ke molao goba ka nakong ya phethagatšo ya maleba ya mešomo ya bona.
- 8.1.1.9. Fao go nago le mabaka ao a kwagalago a go dumela gore tshedimošo ya sephiri ya beng ba tshedimošo e fihleletšwe goba e hweditšwe ke motho yo a dumeletšwego, Rand Water e tsebiša Molaodi wa Tshedimošo le mong wa tshedimošo fao boitšhupo bja mong wa tshedimošo bo ka tsebjago. Rand Water e tla ditela fela ditsebišo tša mong wa tshedimošo ge e le gore sehlongwa sa setšhaba seo se rwelego maikarabelo a go thibela, go hwetša goba go nyakišiša melato goba ge Molaodi wa Tshedimošo a a laela gore tsebišo yeo e tla šitiša dinyakišišo tša bosenyi ka sehlongwa sa setšhaba seo se amegago.

8.1.1.10. Mong wa tshedimošo, ka ge a file bohlatse bja boitšhupo bjo bo lekanego, o fiwa tokelo ya go kgopela Rand Water go tiišetša, ka ntle le tefo, ge eba Rand Water e swere tshedimošo ya sephiri ka ga mong wa tshedimošo goba aowa; goba a ka kgopela pego goba tlhalošo ya tshedimošo ya sephiri ka ga mong wa tshedimošo ye e swerwego ke Rand Water, go akaretšwa tshedimošo ka ga boitšhupo bja batho ba boraro bao ba swerego goba ba bilego le phihlelelo go tshedimošo ya sephiri ya mong wa tshedimošo.

8.2. Maikemišetšo a go Šoma Tshedimošo ya Sephiri ka Rand Water

8.2.1. Rand Water e tla šoma tshedimošo ya sephiri mo mabakeng a mehutahuta, go akaretšwa eupša go sa gome go tše di latelago:

8.2.1.1. Go hlokomela dipego tša modiriši;

8.2.1.2. Mabakeng a go kalatša bašomi;

8.2.1.3. Mabakeng a go thwala bašomi;

8.2.1.4. Go phethagatša ditirelo tše kaone go badiriši;

8.2.1.5. Go aba ditirelo tša boleng go badiriši;

8.2.1.6. Go aba ditirelo tša maphelo le keletšo ka go phela gabotse go bašomi;

8.2.1.7. Go hlokomela diakhaonte le dipego tša ditšhelete tša Rand Water;

8.2.1.8. Go thekga le go laola bašomi ba Rand Water;

8.2.1.9. Go šomiša theknolotši go šireletša dithoto tša Rand Water;

8.2.1.10. Go sekaseka le go šoma dikleime;

8.2.1.11. Go hwetša le go thibela bofora, bomenetša le bosenyi bjo bongwe;

8.2.1.12. Go dinyakišišo tša mebaraka le tshekatsheko ya dipalopalo;

8.2.1.13. Go obamela dinyakwa tša molao le tša taolo;

8.2.1.14. Go tiišetša boitšhupo bja mong wa tshedimošo.

8.2.1.15. Mabakeng a go tšea maeto;

8.2.1.16. Go tshepedišo ka kakaretšo, mabakeng a ditšhelete le a metšhelo;

8.2.1.17. Mabakeng a semolao le a konteraka;

8.2.1.18. Go hlokomela phihlelelo go mafelo le ditlabelo tša Rand Water ka go di šireletša le go di laola;

8.2.1.19. Go thuša go kaonafatša boleng bja ditirelo tša Rand Water;

8.2.1.20. Go hwetša tefelo ya dikoloto; le;

8.2.1.21. Go dira tshekatsheko le go hwetša phrofaele ya modiriši.

8.3. Beng ba Tshedimošo bao Tshedimošo ya bona ya Sephiri e šongwago ke Rand Water

8.3.1. Tshedimošo ya sephiri ya magoro ao a latelago a beng ba tshedimošo e a šongwa:

8.3.1.1 Maloko a Lekgotla la Balaodi;

8.3.1.2. Maloko a Khuduthamaga;

8.3.1.3. Bašomi le bašomi bao ba tlogo thwalwa;

8.3.1.4. Badiredi ba ka ntle;

8.3.1.5. Dingongorego le dipotšišo;

8.3.1.6. Dithrasti tša Sekhwama sa Phenšene sa Rand Water;

8.3.1.7. Balaodi, Dikhuduthamaga le Bašomi ba dikhamphani tša ka fasana;

8.3.1.8. Borakonteraka ba ka ntle;

8.3.1.9. Batlišaditirelo le baabi ba ditirelo;

8.3.1.10. Badiriši le bašomi ba bona;

8.3.1.11. Batho bašerwego ke diswantšho/dibidio tša CCTV;

8.3.1.12. Batho bao ba laeditšego gore ba na le kgahlego ka go ditirelo tša Rand Water;

8.3.1.13. Baholegi ba masolo a Peeletšo ya Setšhabeng ka Khamphani ya Rand Water go akaretšwa Rand Water Foundation; le

8.3.1.14. Beng ba tshedimošo bao ba amegilwego ka dinyakišišong tša Rand Water.

8.3.1.15. Maloko a lapa le bagwera ba bašomi

8.4. Tshedimošo ya Sebele yeo e tšweletšwago ke Rand Water

8.4.1. Magoro ao a latelago a tshedimošo ya sephiri a Abelwa ke Rand Water:

8.4.1.1. Dintlha tša sephiri tša batho ba tlhago;

8.4.1.2. Mokgwa wa bophelo le maitshwara a setšhabeng;

8.4.1.3. Mediro ya kgwebo;

8.4.1.4. Dithoto tše di tlišitšwego le ditirelo tše di abilwego;

8.4.1.5. Maikutlo a motho le/goba tše a di ratago;

8.4.1.6. Dintlha tša ba leloko le bagwera;

8.4.1.7. Thuto le histori ka ga mošomo;

8.4.1.8. Diswantšho tša batho bao ba tšerwego ke CCTV;

8.4.1.9. Dintlha tša ditšhelete; le

8.4.1.10. Dintlha tša boingwadišo tša khamphani tša batho ba semolao.

8.5. Tshedimošo ya Sephiri ye e Kgethegilego ye e Šongwago ke Rand Water

8.5.1. Rand Water e tla šoma magoro ao a latelago a tshedimošo ya sephiri ye e kgethegilego:

8.5.1.1. Tshedimošo ya go amana le morafe le/goba mohlobo;

8.5.1.2. Tshedimošo ya bašomi ka ga boleloko bja mokgatlo wa bašomi;

8.5.1.3. Melato goba le melato yeo e gononwago;

8.5.1.4. Boleloko bja sedumedi goba ditumelo tše dingwe;

8.5.1.5. Dintlha tša maphelo a mmele/maphelo a monagano

8.5.1.6. Ditshepedišo ka ga bosenyi, dipoelo le dikotlo tša kgorotsheko

8.6. Baamogedi bao fiwago Tshedimošo ya Sephiri

8.6.1. Rand Water e tla fana ka tshedimošo ya sephiri le baamogedi bao ba latelago goba le magoro a baamogedi:

Ge go ka ba le tlhokego efe goba efe, Rand Water e tla fana ka tshedimošo ya sephiri yeo e e šomago le beng ba tshedimošo ka bobona. Ge go ka ba le tlhokego ye, Rand Water e kgopelwa go obamela ditlhabišo tša maleba tša POPIA. Seo se latelago ke tlhalošo ya magoro a baamogedi bao Rand Water e ka swanelago ke go ba fa tshedimošo ya sephiri, ka lebaka le lengwe goba mabaka a mangwe:

8.6.1.1. Ba lapa, bašomišanimmogo le baemedi ba beng ba tshedimošo;

8.6.1.2. Ditheo tša go thwala batho mešomong le tša go ba hira;

8.6.1.3. Dikhamphani tša ditirelo tša ditšhelete;

8.6.1.4. Ditheo tša tšhupetšo ya dikoloto;

8.6.1.5. Mekgatlo ya tlhokomelo ya maphelo, tša leago le bobotlana;

8.6.1.6. Bašomi ba diphrofešenale ba tlhokomelo ya maphelo;

8.6.1.7. Mmušo wa bogareng;

8.6.1.8. Ditheo tša phethagatšo ya molao;

8.6.1.9. Dikgorotsheko tša molao, dikhomišene le dikgorotsheko tše dingwe;

8.6.1.10. Badirišani ba kgwebo;

8.6.1.11. Bao ba kleimago le baholegi ka dithotong tša bahu;

8.6.1.12. Batho bao ba botšišago goba ba ngongoregago;

- 8.6.1.13. Bafatišiši ba phraebete;
- 8.6.1.14. Barutiši le mekgatlo ya ditlhahlobo;
- 8.6.1.15. Bafatišiši ba dikleime;
- 8.6.1.16. Batlišaditirelo le baabi ba ditirelo;
- 8.6.1.17. Mekgatlo ya ka diintastering;
- 8.6.1.18. Batseta ba Poelanyo ka ga ditšhelete le ba taolo;
- 8.6.1.19. Kgoboketšo ya dikoloto le ditheo tšeo di latišišago;
- 8.6.1.20. Makala a mangwe a tshepetšo a Rand Water;
- 8.6.1.21. Balekodi ba dipuku tša ditšhelete le Molekodipharephare wa dipuku tša ditšhelete;
- 8.6.1.22. Balaodi ba dikhwama tša phenšene;
- 8.6.1.23. Mekgatlo ya bašomi; le
- 8.6.1.24. Mekgatlo ya Tšhireletšo.

8.7. Phetišetšo ye e Rulagantšwego/Tshepedišo ya go tshela mellwane ya Tshedimošo ya Sephiri

8.7.1. Rand Water e ka swanela ke go fana ka tshedimošo ya sephiri ya beng ba tshedimošo nako le nako le batho ba boraro ka dinageng tše dingwe. Ge go ka ba le tlhokego yeo, Rand Water e kgopelwa go netefatša gore go obamelwa ditlhagišo tša maleba tša POPIA. Se se tla dirwa fela ge e tee goba tše dingwe tša dinyakwa tše di latelago di ka fihlelelwa:

8.7.1.1. Motho wa boraro yo e lego moamogedi wa tshedimošo o laolwa ke melao, melawana ya khamphami ye e tlamago goba tumelano yeo e tlamago yeo e fanago ka maemo a maleba a tšhireletšo gore—

- (i) o obamela melawana ya go šoma tshedimošo ka fao go kwagalago yeo e swanago kudu le maemo a go šoma fao go lego molaong ga tshedimošo ya sephiri ya go amana le mong wa tshedimošo yo e lego motho wa tlwaelo le, fao go lego maleba, motho wa semolao, ka ge go beilwe ka go POPIA; le
- (ii) go akaretšwa ditlhagišo, tše di swanago kudu le Karolo ya 72 ya POPIA, mabapi le phetišetšo go tšwela pele ya tshedimošo ya sephiri go tšwa go moamogedi go ya go batho ba boraro bao ba lego ka nageng e šele;

8.7.1.2. Ge mong wa tshedimošo a dumela phetišetšo ya tshedimošo;

8.7.1.3. Phetišetšo ya tshedimošo e a hlokagala gore go phethagatšwe konteraka magareng ga mong wa tshedimošo le khamphani ye e amegago, goba go phethagatša magato a pele ga konteraka ao a tšerwego go arabela kgopelo ya mong wa tshedimošo;

8.7.1.4. Phetišetšo ya tshedimošo e a hlokagala go phetha goba go phethagatša konteraka ye e phethilwego go ya ka kgahlego ya mong wa tshedimošo magareng ga khamphani ye e amegago le motho wa boraro; goba

8.7.1.5. ge phetišetšo ya tshedimošo e le kgahlegong ya mong wa tshedimošo, le—

- (i) go tloga go sa kgonagale go hwetša tomelelo ya mong wa tshedimošo mabapi le phetišetšo yeo ya tshedimošo; le
- (ii) ge go be go kgonagala kudu go hwetša tumelo yeo, mong wa tshedimošo go ka kgonagala gore go fana ka yona.

8.8. Tlhalošo ka Kakaretšo ya Magato A Tšhireletšo ya Theknolotši le Tshedimošo tša Titšithale (DTI) ao a Phethagatšwago ka Rand Water

8.8.1. Rand Water e tla diriša theknolotši ya maleba go boloka tshedimošo ye e hlokometšwego ke yona. Rand Water e tla obamela melawana ya intasteri ya DTI go šireletša tshedimošo ya khamphani le mehutahuta ya magato a tšhireletšo go šireletša le go boloka sephiri, seriti le go hwetšagala ga tshedimošo ya rena le tshedimošo (go akaretšwa tshedimošo ya sephiri) di tla šomišwa.

9. GO DUMELA KGOPELO

9.1 Go latela ditlhagišo tša Molao, pihlelelo go tshedimošo ye e kgopetšwego go Rand Water e tla fiwa ge:

9.1.1 Merero ka moka ya tshepedišo ye e beilwego ka go Molao ya go amana le kgopelo e fihlelelwa; le

- 9.1.2 Pihlelelo go tshedimošo ye e kgoopelwago e sa ganwe go latela mabaka afe goba afe a go gana ao a beilwego ka Molaong.
- 9.2 Mabaka a go gana a hlalošitšwe ka go Kgaolo ya 4 ya Karolo ya 2 ya Molao, ebile a akaretša tšhireletšo ya kgapeletšo ya:
- 9.2.1. Tshedimošo ye e rekišwago ya motho wa boraro.
 - 9.2.2. Tshedimošo ye nngwe ya sephiri.
 - 9.2.3. Polokego ya batho, le tšhireletšo ya thoto.
 - 9.2.4. Dipego tše di hwetšwago go tšweletšo ya disthepedišo tša semolao.
 - 9.2.5. Dikgahlego tša ekonomi le seemo sa tša ditšhelete sa Repabliki le mediro ya kgwebo ya dihlongwa tša setšhaba.
 - 9.2.6. Tshedimošo ya dinyakišišo ya motho wa boraro, le tšhireletšo ya tshedimošo ya dinyakišišo ya sehlongwa sa setšhaba.
 - 9.2.7. Tshedimošo ye nngwe ya go amana le go šoma ga dihlongwa tša setšhaba.
- 9.3. Rand Water gape e ka gana dikgopelo tšeo di tlogago di sa kwagale le go se kwešišege goba tšeo di tlogo feletša ka go phamošwa ga methopo kudu le ka fao go sa kwagalego.

10. DIPEGO TŠE DI HWETŠAGALAGO SEMEETSENG

- 10.1 Go ya ka Karolo ya 15 ya PAIA, tshedimošo ye e latelago ka ga beng ba tshedimošo bao ba latelago e a hwetšagala ka ntle le kgopelo ya semmušo wepsaeteng ya Rand Water, diphoustareng le diporoutšhareng:
- 10.1.1. Pego ye e Kopantšwego ya Ngwaga ka ngwaga.
 - 10.1.2. Ditatamente tša ditšhelete tša ngwaga ka ngwaga.
 - 10.1.3. Tshedimošo ya ka mehla ya kakaretšo ya go amana le Rand Water.
 - 10.1.4. Melawana ka ga boleng bja meetse.
 - 10.1.5. Lesolo ka ga Tšhomišo ya Meetse ka Bohlale.
 - 10.1.6. Tikologo.
 - 10.1.7. Thekišo le Ditefišo tša meetse.
 - 10.1.8. Maemo a kabo ya meetse ka kakaretšo.

- 10.1.9. Tshedimošo ya thuto ka ga taolo ya mananeo a poloko ya meetse, boleng bja meetse, mekgwa ya tšhomišo ya meetse, taolo ya mananeokgoparara, tlhwekišo ya meetse, kelelatšhila, tshekatsheko ya meetse, blue drop.
- 10.1.10. Diprotšeke le Mananeo a Boikarabelo bja Khamphani.
- 10.1.11. Ditokollo tša Kgašo ya Ditaba, tša ditiragalo le mangwalo a ditaba.
- 10.1.12. Tšhata ya Badiriši.
- 10.1.13. Maemo a Matamo.
- 10.1.14. Dikgoba tša mešomo.
- 10.1.15. Tshedimošo ka ga dithentara.
- 10.1.16. Setlamo sa Thušo ya Kalafo sa Rand Water.

11. DIPEGO TŠE DI SWANETŠEGO GO KGOPELWA SEMMUŠO

- 11.1 Rand Water e swere tshedimošo ya go amana le beng ba tshedimošo bao ba latelago yeo e swanetšego go kgopelwa semmušo go latela Karolo ya 7.4.
 - 11.1.1. Melao le merero ya semolao.
 - 11.1.2. Peakanyo le taolo.
 - 11.1.3. Merero ya Bašomi.
 - 11.1.4. Ditšhelete le theko ya ditirelo.
 - 11.1.5. Taolo ya dikotsi.
 - 11.1.6. Ditirelo le tshepedišo.
 - 11.1.7. Dikgokagano le dikamano le setšhaba.
 - 11.1.8. Dikonteraka tša boentseneere, ditlhathollo tša dintlha le dipotšišo.
 - 11.1.9. Kabo le tshepedišo ya meetse.
 - 11.1.10. Tšhireletšo ya diphaephe le ditirelo tša Rand Water.
 - 11.1.11. Matamo, matamo a taolo ya meetse le mafelo a go tšhollela maraga.
 - 11.1.12. Ditshepedišo tša diteše le mafelo a tša go pompa meetse.
 - 11.1.13. Go hloma le dipholante.
 - 11.1.14. Ditirelo tša mahlale.
 - 11.1.15. Taolo ya bokgoboketšo bja meetse le taolo ya tšhilafatšo.
 - 11.1.16. Diprotšeke tša setšhabeng.
 - 11.1.17. Kwalakwatšo.
 - 11.1.18. Tshepedišo ya kgwebo ya meetse.
 - 11.1.19. Kelelatšhila ka bontši.

11.1.20. Thoto ya Bohlale.

11.2. Tshedimošo ye go boletšwego ka yona ka mo godimo e ka sebopego seo se latelago:

11.2.1. Dipego tše di rometšwe go dikomiti tša taolo le go Lekgotlataolo.

11.2.2. Metsotso ya dikopano tša dikomiti tša taolo le ya Lekgotlataolo.

11.2.3. Dikgokagano (tše di tsenago le tše di tšwago).

11.2.4. Dimemorantamo tša ka gare le diemeile (magareng ga mafelo le kantorokgolo).

11.2.5. Mananeotefo, ditatamente le dikgopelo.

11.2.6. Dipego, dipalopalo (tša tšhupetšo ya ka gare le ya ka ntle).

11.2.7. Dithalwa tša sethekniki le diswantšho (dinepe).

11.2.8. Dingwalwa tša go kopanywa.

11.2.9. Dingwalwa tša tshepedišo ya pholante le metšhene.

12. MABAKA A KIMOLLO MABAKENG A GO GANA

12.1 Ge ka morago ga go obamela dinyakwa tša tshepedišo tše go bolwetšwego ka tšona ka go Karolo ya 7.4 ka mo godimo:

Motlatšamohlakedi wa Tshedimošo a gana go fana ka phihlelelo go tshedimošo; gomme go gana fao go se gwa thewa go mabaka afe goba afe a go gana ka ge go hlagišitšwe ka go Molao; mokgopedi a ka dira boipelaetšo kgahlanong le sephetho seo sa Motlatšamohlankedi wa Tshedimošo go Mohlankedi wa Tshedimošo.

12.2 Mokgopedi a ka dira kgopelo go Kgorotsheko go kgopela kimollo ge e le gore ga se a kgotsofatšwa ke sephetho sa boipelaetšo seo se tšerwego ke Mohlankedi wa Tshedimošo.

13. DITIRELO TŠE DI HWETŠAGALAGO

13.1 Sebopego sa ditirelo: Rand Water e na le ditirelo tše di latelago tše di ka hwetšwago ke maloko a setšhaba:

13.1.1. Ditirelo tša meetse a mantši.

13.1.2. Ditirelo tša meetse a go rekišwa.

13.1.3. Ditirelo tša kelelatšhila.

13.1.4. Diprotšeke tša setšhabeng.

13.1.5. Tshedimošo ka ga merero ya boleng bja meetse le tše di amanago le tšona.

13.1.6. Tshedimošo ka kakaretšo ye e amanago le Rand Water.

13.2. Ka fao o ka kgonago go fihlelela ditirelo tše:

13.2.1. Ditirelo tša meetse a mantši, a go rekišwa le tša kelelatšhila di hwetšagala kudu go ditheo tša Rand Water, go swana le ba taolo ya selegae.

13.2.2. Kimollo ya setšhabeng e hwetšagala dinagamagaeng le ka mafelong a mekhukhung.

13.2.3. Ditirelo tša tshedimošo tša go swana le merero ya boleng bja meetse le tša go amana le tšona di ka fihlelelwa go Mohlankedi wa Tshedimošo yo go ka ikgokaganywago le yena go tshedimošo ye e filwego ka go Karolo ya 5.

14. GO KGATHA TEMA GA SETŠHABA

14.1. Rand Water e phethagaditše dithulaganyo tša mehutahuta tša go kgatha tema ga setšhaba ka go hlameng ga melawana le go phethagatša maatla a Rand Water. Diboka tše di latelago tša setšhaba di gona, ka nepo ya go rarolla merero ye itšego ye bohlokwa ka go dirišana le maloko a setšhaba:

14.1.1. Diboka tša Ditirelo tša Meetse: Go kopana thwii le badiriši ba meetse a mantši le batšeakarolo ba bohlokwa go raloka karolo ye maatla ya thekgo le ya kgokaganyo magareng ga bakgathatema ka intastering ya ditirelo tša meetse le kelelatšhila ka lekaleng la kabo la Rand Water.

14.1.2. Seboka sa ka Intastering le sa Badirišithwii: Seboka se se lemoga bohlokwa bja mafapha a ka intastering gammogo le tirelo ye e abjago ke Rand Water go ya go badirišithwii.

14.1.3. Seboka sa ba Meepo: Seboka se se lemoga bohlokwa bja lefapha la meepo.

14.1.4. Diboka tša Kgoboketšo ya Meetse: Diboka tše di šoma bjalo ka dihlopha tša go ahlaahla merero ya go amana le merero ya kgoboketšo ya meetse le tšwetšopele le kaonafatšo ya mafelo a kgoboketšo ya meetse.

15. DIPEGO TŠE DI LAHLEGILEGO

15.1. Bakgopedi ba na le tokelo ya go hwetša phetolo ka ga abitabiti ya dipego tšeo di ka se kgonego go hwetšagala ka tsela ye e kwagalago, eupša tšeo mokgopedi a ka bego a bile le phihlelelo ge nkabe pego yeo e hwetšagala.

16. GO LAHLWA GA DIPEGO

16.1. Bakgopedi ba tla eletšwa ge eba pego ye itšego ye e kgopetšwego e lahlilwe.

17. TEKODIŠIŠO

17.1. Sengwalwa se se tla mpshafatšwa morago ga mengwaga ye meraro goba ge mabaka a fetoga.

18. DINGWALWA TŠE DI ŠOMIŠITŠWEGO

Thaetlele ya Sengwalwa	Nomoro ya Sengwalwa	Lefelo
Promotion of Access to Information Act (Molao wa Tšwetšopele ya Pihlelelo ya Tshedimošo)	Wa Nomoro ya 2 wa 2000	Inthanete
Protection of Personal Information Act (Molao wa Tšhireletšo ya Tshedimošo ya Sephiri)	Wa Nomoro ya 4 wa 2013	Inthanete
Dinyakwa tša Tshepedišo ya Taolo ya Boleng	ISO 9001:2015	Kantoro ya Taolo ya Boleng (QMO)

19. GO BEA DIPEGO LE TSHEDIMOŠO

Sengwalwa sa Dipego	Nomoro ya Fomo/Sengwalwa	Lefelo	Lebakanako la go e Swara
Fomo ya A: Kgopelo ya go fihlelela pego ya sehlongwa sa setšhaba	RW Rec 00021 F	Lefapha la Dipego tša Khamphani	Mengwaga ye 5
Fomo ya B: Tsebišo ya boipiletšo bja ka gare	RW Rec 00022 F	Lefapha la Dipego tša Khamphani	Mengwaga ye 5

20. HISTORI YA PHETOGO YA SENGWALWA

Lenaneo leo le latelago le na le histori ya sengwalwa se le tlhalošo ya pušeletšo ye nngwe le ye nngwe.

Letšatšikg wedi	Nomoro ya Pušeletšo ye e Fetilego	Nomoro ya Pušeletšo ye Mpsha	Tlhalošo ya Pušeletšo ye Nngwe le ye nngwe
04/08/2017	Ga e gona	01	Go obamela fomete ya ISO 9001
20/09/2019	01	02	Kaonafatšo ya fomete go netefatša gore e šomišwa gabonolo, go sedimoša Motlatšamohlankedi wa Tshedimošo go lebeletšwe diphetogo tša khamphani le go akaretša ditlhagišo tša go amana le dipego tše di lahlegilego le tše di lahlilwego.
06/05/2021	02	03	Go sepelelana le dinyakwa tša POPIA le diphetogo tša khamphani
09/09/2022	03	04	Kopanyo ya PAIA le ya POPIA ka go Sengwalwa le go tsenya dikokwane tše bohlokwa ka moka tša POPIA le go beakanya DIO go sepelelana le taelo ya CE. Go sepelelanya gape Sengwalwa le thempoleiti ye e abilwego ke Molaodi wa Tshedimošo.